



PETIKAN AKHBAR

Bernama - Kerajaan Beri Tumpuan Kebajikan Warga PDRM-
Ketua Polis Negara

PETIKAN AKHBAR | 06 NOVEMBER 2020



KUALA LUMPUR, 6 Nov - Kerajaan terus memberi tumpuan terhadap kebajikan warga Polis Diraja Malaysia (PDRM) dan pesara pasukan itu menerusi beberapa insentif diumumkan dalam Belanjawan 2021 hari ini.

Ketua Polis Negara Tan Sri Abdul Hamid Bador berkata ia dilakukan meskipun kerajaan berhadapan cabaran besar menangani wabak COVID-19.

“Dalam keadaan getir menangani ancaman COVID-19 ini, saya bersyukur dengan beberapa pemberian kerajaan kepada PDRM dan pesara-pesara dalam Belanjawan 2021 ini.

“Saya amat memahami kekangan kewangan yang sedang dihadapi kerajaan,” katanya kepada Bernama.

Antara pengumuman oleh Menteri Kewangan Tengku Datuk Seri Zafrul Tengku Abdul Aziz dalam pembentangan Belanjawan 2021 ialah pemberian ‘one-off’ sebanyak RM500 kepada 40,000 pesara polis yang menerima Pingat Jasa Pahlawan Negara.

Warga PDRM dan pesara pasukan itu turut akan menerima Bantuan Khas Kewangan berjumlah RM600 dan RM300 bagi pesara kerajaan dan veteran tidak berpenyen.

-- BERNAMA

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

POPULAR TAGS

[BERNAMA](#)[HARGA MINYAK](#)[PRICE OF PETROLEUM](#)[TENGKU ZAFRUL](#)[BANTUAN PRIHATIN NASIONAL](#)[KWSP](#)[I-SINAR](#)[SINAR HARIAN](#)[JELAJAH BELANJAWAN 2021](#)[PRIHATIN MOF](#)[PERMAI](#)[BERITA HARIAN](#)